

Antonio Palitta
ISPIGAS CHI MALZINI
1° premio (Logudorese)

Chin s'ischina truncada
messende cantaia
a sas ispigas bellas,
chi parian bagianas
chin sos pilos de oro
cumentas de andare
a sa festa bramada.
Como s'abba est falada
e-i su trigu malzit in s'alzola
in mannugios de luttu.

Sas correncias nieddas,
magialzas de s'aera,
sun cantende
subra su coro meu postu in rughe.
Su sole, ch'in beranu
brugiat sa terra mia,
tra nues pigorinas s'est cuende:
milla! s'abba est torrende
pro interrare sos isettos mios
a cantos de correncias arrughidas.

SPIGHE CHE MARCISCONO

Con la schiena spezzata cantavo, mietendo, alle belle spighe, che parevano fanciulle, con i capelli d'oro, felici di andare alla festa desiderata. Ma ora l'acqua è caduta ed il grano marcisce nell'aia in mannelli di lutto.

Le nere cornacchie, streghe dell'aria, cantano sopra il mio cuore crocifisso. Il sole, che in primavera brucia la terra mia, si nasconde tra nubi di pece; eccola! L'acqua ritorna per affogare le mie speranze, tra strida di cornacchie arrochite.